

小溪志

图书在版编目(CIP)数据

小溪志 / (清)柴望著. —宁波: 宁波出版社, 2009.11

ISBN 978-7-80743-464-1

I. 小… II. 柴… III. 乡镇—地方志—宁波市—清代
IV. K295.55

中国版本图书馆CIP数据核字 (2009) 第192301号

小溪志

原著 柴望

出版发行 宁波出版社

社址 宁波市苍水街七十九号

书名题签 张忠良

责任编辑 沈建国

设计制作 宁波市天一阁出版策划有限公司

印刷 杭州萧山古籍印务有限公司

开本 787×1092毫米 1/16

印张 46.5

版次 二〇〇九年十一月第一版

印次 二〇〇九年十一月第一次印刷

印数 0001—1000

书号 ISBN 978-7-80743-464-1

定价 380.00元

小溪志 卷六

列女

宋

汪氏名慧通字正柔贈少師思溫女幼敏悟五歲從父教授雄州日在親側凡牋書往來皆能記其人之名字或有遺忘問之如響年十九歸樓璩內助廉平言不出閫篤於教之至質貸以供束脩諸子粗有成立或問何以為訓曰平生不曾對兒輩出一不義語故薰染至此耳女孫有嫁及遠適者每誦北方安夫人之詩有曰女長終為婦親邊不是



家睦嫻存古訓勤苦是生涯之句以勉之奉佛素
謹甫三旬已閱大藏經取龍龕手鑑以正奇字觀
書不問多寡必自首至尾過目如素所習諸史舉
大端興亡之際賢否之著者類能道之裨官小說
所見尤衆及見宣和盛時暨靖康間事言之皆有
端緒如痛定泣血等書間能指其不然者後得夢
華錄覽之曰是吾見聞之舊且謂今之茶褐墨綠
等服皆出塞外自開燕山始有至東都者深歎習
俗之變也以子鑰貴累封安康郡太夫人卒年九

十有五

子鑰撰行狀

童八娘通達鄉建畧人居小溪朱氏崇孝庵之側一日虎銜其祖母女手曳虎尾祈以身代虎為釋祖母銜女以去時林栗侍親官於此目擊茲事既而來守以聞於朝祠祀之宋史列女傳

袁貞女名善定尚書章長女性至孝與妹皆不願適人處心簡淡絕意驕奢慈祥好善得於天授施厝田三百四十畝於湖心寺又建行廊三百六十間寺僧感其德建祠祀之姊妹合窆於西山之董畧西袁氏家乘

袁進士鏞妾者失其姓德祐二年丙子三月十日鏞

殉國難時家人以清明皆往祖墓祭掃方回登舟
道驚山而凶訃至妾與鏞之三子二婦三孫兄子
衡之婦胡氏及其子婦并二孫姑之子下及二僕
一婢凡十七人悉赴水死今鼈山有解袂灑橋以
此得名也西素氏家乘

宋姑名蓮宋愚人年十九美姿色精女紅事親以孝
聞當宋元之際山寇劫其家虜姑以行欲淫之姑
紿之曰過章村當從命盜以為然促而過山至一
潭側姑奮身投潭而死盜亦驚去數日屍浮水面
時民皆避亂各不相顧經旬神色不變其父母收

葬於黃鰭山中鄉人慕而哀之因名其潭曰宋姑
無名氏宋姑潭記

元

馮氏名守貞慈谿人歸袁德璋宋臨安知府子誠五
世孫也德璋卒馮年二十八子玉相生始九月舅
姑年既耄德璋臨終屬其妻曰吾家世中衰總功
之親皆無可依舅姑幼子汝其勉之馮誓無他志
為夫營葬地穿窬其側以示同穴養舅姑奉宗祀
教子讀書家僅薄田數畝衣食不給躬紡績以為
計子有過對之泣曰爾忍負先人於地下耶故其

子亦克自樹立云 孫原道撰事狀

明

杜氏名貞素幼聰慧熟嫻女紅暇則日誦字書通孝
經論語年二十七歸夫忠教孝事舅姑紡績縫紉
至忘寢食忠教入郡庠讀書晨去暮還杜奉迎候
伺各以其時師資不足則出奩具以給之不少靳
永樂五年忠教卒杜脫簪珥屏華飾指天目誓不
易所守撫子應駒有成卒年五十 素忠敬撰行實
邛氏字妙秀餘干人金谿教諭汝恭女歸夫忠敏忠
敏父給事中廷圭先為茂名簿與汝恭同以罪遣

成大甯因為婚媾年十四來歸善事繼姑胡氏流
離轉徙於戍所極困無怨言永樂七年忠旻從父
入京墜馬卒邛聞耗慟絕已乃瞿然日子幼親老
誰與任其責者強起治食事若節三十九年而卒
西表氏家乘

林氏張邦彥妻性貞淑剛毅有分辨年十九歸邦彥
正德丙寅邦彥視弟邦奇於京師行至開河病歿
林年二十六聞訃哭絕良久乃甦自是每哭必慟
人皆不忍見聞夙興夜寐孝養二親或勸之自逸
則曰舅始在堂叔氏遠宦未鹽細事將誰委乎孀

居守節三十四年嘉靖乙未得旨旌表門閭因建坊焉槎湖張氏譜

陳氏河南人為尚書張邦奇側室年三十生子子昭甫五月而邦奇卒陳撫訓幼孤早入邑庠不幸未娶而亡哀痛幾絕時諸子已析產嫡陸氏憐之仍令掌其故業陳亦督耕課織勤儉靡懈罹陸氏喪年已七十猶慘戚致哀焉槎湖張氏譜

徐貞女名尚質定海人許字楊士譽未婚而士譽卒女年二十三請臨喪父母止之不可父給之曰兒欲視殮無及矣往臨其柩可乎越數日則曰已出

殞矣女勺水不入口者三日父懼遣告其舅約以
衰絰來即披之而往至則撫幃慟哭姑慰之曰江
行風雨得無不安乎答曰新婦不抵此是用不安
既抵此何不安為夜中侍姑徵夫病狀且云病非
朝夕何不相聞姑曰世間似新婦者幾人而乃以
聞已出子髮一握示之曰此吾兒手翦者其意似
在新婦也女大慟曰孰謂夫忘我遂留不去育從
子為後躬勤操作天啟初有司上之朝旌其里歲
給粟帛以壽終

朱志

陳氏適柴某某嗜酒好博家貧如洗陳絕無怨言勤

女紅以支朝夕夫黨皆無賴蚤鬻其一子一女至是欲併幼子與妻別售之陳聞大慟峻拒者再終不後一夕繫幼子於腰抱石投水死聞志

范氏明靖難兵至諸福義死妻范氏奉姑甚謹每哭夫輒走山谷中發聲長號不令姑聞貧無以自存適一日至澗邊浣衣見旁生席草因取以織席售而養姑姑死居守墓旁至八十餘乃卒席草遂不

復生

錫山志

鍾氏杜木妻年二十四而木病臨終語鍾曰吾讀書十餘年不獲顯親今未壯而亡誠負三大罪矣鍾

泣問之曰自幼究心於學高堂未嘗定省是為不
孝汝方青年使守節以養吾親撫吾子則難於汝
使汝再事他人則母子無所依而汝失節是為不
夫子尚呱呱失所恃復失所教是謂不父此吾三
大罪也鍾曰妾誓死不再事人奉舅姑育幼子以
盡吾分內之事夫子以保身為重勿以此為慮也
逾二日夫卒鍾哀毀盡禮躬勤紡績足不踰外閭
冰蘖之操至老不衰守節五十八年

桃源志

翁氏字水承諫未歸而承諫抱病弗痊因娶翁來謂
之冲喜翁車甫及門而承諫卒人咸詫為不可久

留翁立志堅貞上事寡姑黃氏下撫嗣子朝夕織
紉竟全其節年七十八卒 桃源志

楊氏適水松未十年而松卒無子伯氏欲奪其志楊
泣曰嫠居誠鮮所藉不難自裁從地下遊顧念二
姪在襁褓中怙恃俱失一日去我一日就斃矣宗
祧將誰承之吾為水氏計如子即吾子也於是曲
為卵翼不辭勞瘁以至長成皆楊之力焉 桃源志

翁氏名淑貞王中遂妻中遂潛心苦學尋以病卒翁
年二十四家赤貧親族勸其改適翁泣曰亡人臨
終以老母幼子託我我已誓無他志今夫肉未寒

而食其言何以見亡夫於地下乎執不肯從以紡績營生每食必先奉姑次祭夫次食諸子而後及己歷十年姑卒喪葬盡禮撫諸子克有成立壽九十八而卒

桃源志

孫氏周君素妻君素卒於京邸孫年二十二兄弟憐其貧欲奪其志孫抱子齧齒曰三尺之孤先人所遺也汝不能以人道視我乃欲以不義污我乎夙夜勤紡績以撫孤鄉里義之將具其事辭曰守節分也何旌之有年六十六臨歿以夫骨歸自友人真偽未可知遺命分葬焉後其子日元壯年又卒

妻章氏亦恪守姑訓勵志撫諸子云

桃源志

劉氏方本淇妻生子全顯甫七歲而本淇卒家貧
焚無依劉躬勤織紉撫遺孤成立守節數十年以

壽終

桃源志

顧氏年十五歸杜某為妾十七歲而夫亡立志守節
躬事織紉嗣子成立娶婦育孫壽九十三歲而

卒

桃源志

金氏杜崇蕙妻崇蕙為賊所殺子德宣甫數歲金矢
志守節撫幼子成立娶婦育孫鄉黨義之又崇薇
妻朱氏亦夫亡守節

桃源志

俞氏字張芳仲張父以芳仲不肖逐之流落在外不知死生俞氏父欲更字他姓女執不從鬱鬱而卒後張父無子泣思不已族人偶過於江南僧舍道其父意引歸遂收之芳仲知妻守節以死感其德乞於女父為同穴焉

桃源志

水氏杜崇祐妻姑以其夫非己出每苛責之水曲意承順久而彌篤其夫遠遊不歸無幾微愠色後姑亦感其孝稱底豫焉夫客死於粵訃至水慟哭即素服持齋者七年尋以病卒

桃源志

王氏杜崇妻時際鼎革綠林遍野其夫死於寇王